

الرشاد

س ١٠٠٠ ١٣٣٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميدر
اتبعون اهدكم سبيل الرشاد
صاحب ومدير مسئول : ح : اشرف اديب

دها حلول ایتمهش اولدینی جوابی ویریلرک تکلیف مذکور رد ایدلدی .

فقط برمدت بچدکدن صوکره ایتالیا حکومتی اوینامقده اولدینی اویونلرک الی نهایت دوام ایدمهجهکینی آکلایه رق اتفاق مثله قانعه قرار ویردی . ایشته روسیه حکومتی شو وقعدن استفاده ایددرک یکی دن توسط اجرا آتته کیرمشدی . بو دفعه حکومت مذکورک تکلیفی قبول ایدلدی . زیرا ایتالیاک متفق بولنان آلمانیا و اوستریانک ایتالیا حکومتی کیرمش اولدینی کربوه دن چیقارمق ایسته ملری پک طبیعی در . انکلتزه و فرانسه یه کانه شو حکومتلرده متفقلری بولنان روسیه یی کوجندرمه مک ایچون تکلیف واقعی قبول ایتک مجبوریتده بولندیلر؛ شوقدرکه عثمانلی حکومتی اوزرینه اجرای تضیق ایتک فکرینه اشتراک ایتهدیلر . یعنی توسطی شرائط بی طرفانه به تمامیلر رعایت ایدلک و طرفینی توسطی قبول ایدوب ایتمه مک حقنده تماماً سربست براقق شرطیه درعهده ایتدیلر . روسیه حکومتی چار ناچار شوشروطی قبول ایتدی . فقط توسطی شوشروط ایلر قبول ایتک ، یعنی عثمانلو حکومتی اوزرینه اجرای تضیقات فکرنندن واز بکیمک ، توسطی بالفعل عقیم براقق دیمکدر . زیرا عثمانلی حکومتک تاوتنه دنبری عقد صلح حقنده بسله مکده اولدینی افکار بتون آروپاچه معلومدر . عثمانلور طرابلسک ایتالیا یه الحاقی اساسی اوزرینه ترتیب ایدلش اولان برصلحه هیچ برزمان روی موافقت کوسترمیه جکلردر . حالبوکه ایتالیا ده عقد صلحه مطلقاً شو شرطک قبولی ایلر راضی اولاجغنی مصرانه ادعا ایتمکده در . ایشته طرفین آراسنده بویله تخالف وضعیت اساسیه موجود اولدینی حالده توسطه مراجعت ایتک تا اولدن موفقیتسنزلکی کوز اوکنه آلمق دیمکدر . اوت ، شو ، موفقیتسنزلک روسیه حکومتک عزت نفسی ، حیثیت ذاتیه سنی جریحه دار ایده بیلیر ؛ فقط عجباً حکومت مشارالها توسط تشبته کیرشدیکی زمان بونی ده کوزی اوکنه آلمق وظیفه سیله مکلف دکلمدی ؟ تکلیف مالایطاق ایدنلر دائماً عزت نفسلرینک جریحه دار اولاجغنی بکله ملیدرلر !

بناءً علیه روسیه حکومتی عزت نفسی بیلر جریحه دار ایتدیرمک قدر فداکارلغه قاتلاندران توسط حقنده شو درجه تلاش کوسترمکه سوق ایدن اسبابی اکلامق بر قاج کون اول بتون اوروپا مطبوعاتنی وافکار عمومیه سنی صوکه درجه راحتسز ایدیوردی ؛ روسیه ایلر ایتالیا آرسنده هیچ برخصوصی و مشترک مسائل ، یا خود منافع موجود دکلددر . بالعکس ایتالیا ده روسیه یه قارشى شدتلی بر حس نفرت بسله نیلیور ؛ حتی ۱۹۰۹ ده روسیه ایمپراطوری رومایه قدر کیتمهک جسارت ایدمه یه رک ایتالیا قرالی ایلر راقونجاده کوروشمک مجبوریتده بولندی . دیگر طرفدن روسیه نک تشبته واقعی فرانسه وانکلتزه یی ده خوشنود ایتده دی ؛ زیرا شو ایکی حکومت اتفاق مثله یکی دن کیرمش اولان ایتالیاک بالا نهایت طرابلس کربوه سنده بوغولمه سنی ازجان ودل آرزو ایدیوردلر .

دکادر . بزه شو سطرلری علی الاستعجال ، حق بر آرز غیر منتظم یازدیران سائق محضا علاقه دار اولان ذوات کرامک ممکن مرتبه سرعتله نظردقنی جلب ایدمه بیلیمک ایدی . بناءً علیه دردنجی مقاله مزده اشخاص متشبته نک خصوصیاتندن قطع نظر خرسیتیانق عالمنک (اساس پروگرامنه نظراً) جزیره العربدن و بوتون اقوام نجییه عربیه دن نلر امید ایتدکلرینی ، بونی نصل بر مسئله علمییه فرض وحلی ایچین دینی ، اجتماعی ، سیاسی نه ماهیتده قاعدلر ، طریقلر ، اتخاذ ایلر دکلرینی اک موثوق و صلاحیتدار منابعندن ، حتی کندی لسانلرندن تدقیق ایلر مطالعات عاجزانه مزى دخی علاوه ایدمه جکلر .

کوز تپه
علی رضا سبفی

سیاستی

وضعیت حاضره من

وضعیت حاضره من الیوم شوندن عبارتدر : بر طرفدن حکومت معظمه نک عقد صلح حقنده اجرا ایتمکده اولدقلری توسط ، دیگر طرفدن روسیه نک بزه قارشى تعقیب ایتمکده اولدینی مسلك . ذاتاً شو ایکی مسئله یکدیگرینه غایت صبتی برعلاقه ایلر مربوطدر ؛ اودرجهکه بریسی دیگرینک نتیجه سی در ؛ بونلری آیرمق ، آرالرنده بر خط فاصل چیزمک بیلر قابل دکلددر .

معلوم اولدینی وجه ایلر اجرای توسط حقنده الکزیاده اولک آباق اولان روسیه حکومتی در ؛ حق فکر توسط بیلر ایلک دفعه پترسبورغده طوغمشدر : اوج آی بوندن اقدام روس حکومتی دول معظمه یه مراجعت ایدره رک عثمانلی - ایتالیان محاربه سنه نهایت ویرلمه سی لزومنی درمیان ایتمشدی . فقط اوزمان روس دیپلوماتلرینک فکری آروپا به تصویب ایدیلده دی . آروپا هیئات دولیه سی آراسنده اوزمانلر ایتالیانی آولاق ، کندی طرفنه جلب ایتک ایچون بیوک بر رقابت حکمفرما ایدی . انکلتزه - فرانسه بر طرفدن ، آلمانیا - اوستریا دیگر طرفدن ایتالیانی عادتاً اوخشا یورلردی . سبب ، اتفاق مثله مقوله نامه سی مدتک نهایت ایشمک زمانک یا فلاشمه سیدی : طرفین میسانده ایتالیا یه خوش کورونمک مسابقه سی آچامشدی . ایتالیا رجال دولتی شو حالدن ممکن اولدینی قدر فضله استفاده ایتک مسلكینی تعقیب ایدیور ، کاه بر طرفه ، کاه دیگر طرفه میل ونوازش کوستره رک ایکی طرفی ده الهه صافلامق ایسته یوردی . فقط هر ایکی طرف ده حکومت مشارالهاک شو اویوننی آکلایه رق آلدانمورلردی . محاربه نک اوزامسی ایکی طرف آراسنده اویونلر ایلر وقت کچیرمک ایسته یین ایتالیانک مشکلات ایچنده بوغولامسی ، ایکی طرفک ده ایشنه دها زیاده کلیدوردی . ایشته بونک ایچوندرکه روسیه حکومتک عقد صلح حقنده یا امش اولدینی ایلک توسط تکلیفنه حکومت معظمه طرفندن مساعد زمانک

عثمانی - ایران حدودی

و
روسیه

عثمانی - ایران حدودی مسئله سی یکی بر شی دکلدر . بو مسئله یوز سنه دن رو هرایی دولت پیننده منازع فیه بر حالد بولنیور . ایران غربی جهتی تمامیه ممالک عثمانیه ایله بتیشیک وملاصق اولمسلیه بو اراضی داخلنده بر طاقم ایرانلی و عثمانلی کرد قبائلنک مسکون بولغلیری یوزندن هرایی حکومت اره سنده کورولتی وقارغشه هیچ اکسک اولماشدر . بر برلرینه قارشو چاپوخلیق ایدن کردلر کاه ایرانه وکاه عثمانلی حکومتنه استناد والتجا ایتمکه کندی یاقه لرینی قورتارمغه باقشدر ایسه ده حقیقت حالد بر ایران حدودی مسئله متنازع فیه سی ده عین زمانده احداث الملکه یاردم ایتمشدر . عثمانلی حکومتی قورقوسندن ایرانه التجا ایدن عثمانلی کردلرینه ایران حکومتی سس جیقارمدینی کبی ، ایران کردلرینک عثمانلی طوپراغنه التجالرینه قارشو حکومت عثمانیه طرفندن عین معامله اجرا ایدیه کلشدر . بومسئله ایکده برده ساری ومضر بر مقروب کبی | جانلانیر ، سوز | هرایی حکومتی اشغال ایتمشدر . وقتیه کال سهولتله حلی ممکن اولان بو اهمیتسز مسئله ، دور سابقک جهلا زمامداران اموری یوزندن ناقابل حل بر حالد قالمسینه خدمت اولندی کبی ، عین زمانده حل وفصل ایله تحکیم و توسط حقنه هیچ بروجهله صلاحیتدار اولمیان روسیه وانکلتره نک مداخلتیه مع النأسف سبیت ویرلشدر . آتیا هرایی حکومت اسلامی آرهنده موجب تولید شقاق ونفاق اوله بیله جک صورتده دول متوسطه طرفندن برخریطه ترتیب وتصنیف ایدیلوب آلتنه ده هرایی حکومتک مرخصلری اولان سفراسنک امضالری عشق اولمشدر .

فقط حکومتین آرهنده آریاق غیریاق حسنک عدم موجودیتی اوزرینه بومسئله - اویوش بر قتنه کبی - اویله جه علی حاله دوام ایده کلشدر . وقتاکه ایرانه مشروطیت اعلان ایدلی وقانلی وقایع وفجایع دوره سی رواج بولدی ؛ روسیه وانکلتره دولتری تام میدانی بوش بولهرق وفرصتی غنیمت اتخاذا ایدرک ممالک ایرانیه نک تقسیمنه ۱۹۰۷ اتلافنامه سیله تشمیر ساعد آهنین ایدلمسی اوزرینه حکومت عثمانیه جهده ایران حدودنده بعض تدابیرک اتخاذا الزم کورونمش وحدود ایرانیه - کنج ترکلرک تعبیر مخصوصی وجهله - | یانغین دیوارینک محافظه سیچون | عسا کر عثمانیه نک سوقی تقرر ایشدر . ایران امورنده زورله علاقه پیدا ایدن روسیه وانکلتره کیت کیده تحریکات وتشویقات استیلا کارهنده بولانبولمسلمانلری بربرینه - اسماء مختلفه وفرق مخالفه ایله - دوشورمکه موفق اولدقدن صکره یواش یواش کندیلرینه برر منطقه نفوذ (۱) ایجاد واحداث ایلدیلر . بوحال اسف اشتاله نکران اولان حکومت عثمانیه هربر احتماله قارشو ، اوده آزار آزار ایلرولمکی عزم ایتدی ، بوصوقوله کیفیتی هیچ برمانعته

دیملکه روسیه یی بویوله سوق ایدن ، ایتالیایی فورنارمق ویاخود صلح ومسالمته قارشو مسئله مکده اولدینی عشق ومحبت دکل ؛ دیگر بعض خصوصی ومهم اسباب ایش .

بوکون شو اسبابک نه دن عبارت اولدینی تمامیه توضیح ایتمشدر : روسیه ایران مسئله سنک حلی ایسته یور . بونک ایچون برطرفدن توسطه ، دیگر طرفندن ده تحشیدات عسکریه مرأجت ایده رک بزی ایکی شق قارشیسنده بولدرمق ایسته یور : یا ایتالیایله طرابلسک الحاقی شرطی ایله صلح ، یا ایران مسئله سنک حلی ! دهها طوغروسی برنجی شق ایکنجی شقک حصولی ایچون مجرد بر بهانه در . روسیه حکومتی بک رهنا بیلورکه نه اولورسه اولسون عثمانیلر طرابلسک ایتالیایله الحاقی قبول ایتیه جکلدر . ذاتاروسیه ایچون طرابلسک ایتالیایله الحاق ایدیلوب ایدیه مسی مسئله سی تمامیه مساویدر . اونک ایچون او یالکز بزم ایراندن چکیلیمیزی و آذربایجانی کندیسینه براقه مزی طلب ایدیور .

فقط بزجه ایران و آذربایجان مسئله سی طرابلس مسئله سی قدر مهم ووخیمدر . بز آذربایجانه اجرای فتوحات وتوسیع ممالک ایچون کتیمه دک . بزی اورایه سوق ایدن ، برلریم مبرم ، بروجوب حیاتییه ایدی . روسیه نک آذربایجانه صوقولمه سی تبریزی ودیکر نقاط مهمه یی اشغال ایده رک آذربایجانه بالفعل اجرای حکومت ایتیه سی ایران قدر بزی ده تهلکیه معروض ایدیور . بناء علیه بدیهی درکه روسلر آذربایجاندن چیقیمنجه بزمده اشغال ایش اولدیغمز مواقعی ترک ایتیمز قابل دکلدر . ترک ایدرسه ک یالکز ایرانک تمامیت ملکیه واستقلالیت سیاسییه سی فدا ایتمکه قالمیورز ؛ آنا طولی بی ده روس استیلاسی تهلکه دائمسینه معروض بر ایش اولیورز .

روس حکومتی تا اوتنه دن بری علناً ورسماً کندی عسکرینی ایراندن چیقاره جغنی وایرانک تمامیت ملکیه سنه واستقلالیت سیاسییه سنه رعایت ایده جکنی وعد ایتمکه در . شمعی مادامکه حکومت مشار الیها بزم ایران حدودندن چیقیمه مزی طلب ایدیور ؛ نه دن بزده مقابله کندیسندن شو وعدک ایفاسنی طاب ایتیم ؛ بو یالکز آخوت اسلامییه مقتضیاتندن دکل ، عثمانلی لغکده ایجابات حیاتییه سندن در . روسلر بزی ایران حدودندن چیقارمقله بر ضربه ده ایکی بیوک امه نائل اولمق ایسته یورلر : اولایرانک کندیلرینه تسلیمنه ، ثانیاً بزم آسیای کبراده صوک زمانلر اثناسنده یوکسلمش وقوت بولمش اولان نام وحیثیتمزک قیرلمسینه !

فقط شوکا جدا امین اولمکی که روسیه بسیلهمکده اولدینی بو قدر بیوک امللری تأمین ایچون جدی وسائله مرأجت ایده جک وضعیتندن محرومدر . حریدن بز احتراز ایتدی کمزقدر ، حتی بلکه بزدن دهازایده روسیه ده احتراز ایدیور . بناء علیه کورولان ویا تیردیله کلاه قاید برمایه ! کندی حقیمزی طلب ایتمکه اصلا تردد کوستریمه لم . بو سایه ده یالکز کندیمزی دکل ، بر حکومت اسلامییه ده خلاص ایده بیلیرز .

احمد آغایف

چاره اولیہ حق کی کلیور . ایشته جہالت و نفاقک نتیجہ سی . بوقنا تخمیری اکن شیعیلک ، سنیلک مسئلہ سیدر . آرتق کیم ایسترسہ اویانسون ، هرکیم دیلرسہ ابدیا اویوسون .

س . م . ت

مکتوبات

بر مکتوب مهم

سید سنوسی حضرت تزلندن مجاهد محترم انور بک

سید سنوسی حضرت تزلندن مرکز سیادت اولان کفرہ دن ساحہ حربہ حرکتندن اول مجاهد محترم انور بک خطاباً تحریر وارسال ایلدیکی مودتنامہ جوابینک ترجمہ سی صورتیدر :

بسم الله الرحمن الرحيم

« و صلی اہ علی سیدنا محمد و آلہ و صحبہ وسلم . حق سبحانہ و تعالیٰ حضرت تزلندن عبدی احمد بن السید محمد الشریف بن السید محمد بن علی بن السنوسی الخطابی الحسینی الادریسی دن عالی الہمہ ، شریف النظر ، صاحب الرأی الصائب و فکر الثاقب ، دولت علیہ نک ید یمناسی ، ساعد قویسی ، بطل الہمام انور بک افندی ادامہ اسماعادہ و وفر حظوظیہ اعلام اولنورکہ :

بعد اهداء اتم السلام والتحية والا کرام . . . مکتوب شریفکزر واصل و بیانات فخمہ کز منفہم اولدی . جناب باریہ حمد و شکران اولسون کہ بومکتوب کز دہ صحت و سلامتکزر خبر بشارتیلہ بشر اولدق . طرفکزدن تزد مزہ واصل اولان اخواندن آلدیغمز معلوماتدہ حال اسلامک بک مکمل اولدیغنه رغماً لیم ایتالیانلرکدہ دائمائاب و خاسر بولندقلرینی استبشار ایلدک و درجہ نہایہ دہ مسرور و فرحناک اولہرق غیرت اسلامیہ نک بو درجہ غلیانندن طولایی جناب واجب الوجودہ حمد و ثنایر ایتدک .

ایتالیانلرک بلاد اسلامیہ یہ تجاوز و تعرضلری نہقد ر موجب لعنت و نفرین ایسہامت اسلامیہ نک آنلرہ قارشى وطن و دین ناموسنی مدافمہ ایللری اومرتبہ مستلزم حمد و شکراندر . جناب حق کتاب کریمندہ : « یا ایہا الذین آمنوا ان تنصروا الله ینصرکم ... » و « ان ینصرکم الله فلا غالب لکم . . . » بیور مشلردر .

اوحالده کزک سزہ و کزک بزله شمدی واجب اولان شی : کال جد و حزم و عزم ایلہ چالشق ، دشمن دنیہ قارشى جہاد ایلکدر . بتون اهل اسلام بوجہادہ اشتراکک کک و احدہ دہ اجتماع ایتمش و ایتمکدہ بولنش اولدتلرینی بردها اثبات ایلیدرلر . بوکا بناء درکہ بزده دائرہ نفوذ مزده بولنان بتون اخوان مسامینی جہادہ اشتراک دعوت ایلدک و اونلرک اعلاء کک اہ ایچون بالعموم وطنداشلرلہ یکوجود و یک فکر

دوچار اولمینجہ ہرچہ باد آباد اوتہیہ برویہ واک صکرہ یوز بوقدر قریہ اشغالیلہ نتیجہ لندی . روسیہ و انکلترہ سفیرلرینک تصدیقہ افتران ایدن عثمانلی - ایران خریطہ و پروژہ سندہ کوستریلان منازع فیہ حدودک بریسندہ بولنان یوز لرجہ ککلو متروک مسافہ عسا کر عثمانیہ طرفندن اشغال اولندی . تام ایرانک تقسیمی باشلانیر باشلانیر ، ایتالیا حکومتی بردنبرہ اعلان حرب ایدنجہ روسیہ دوستمزده عقیندہ فرصتدن استفادہ یہ قرار ویردی .

عثمانلی - ایران حدودینی حل ایچون تشکل ایدن قومیسسیونہ ایران حکومتی مرکزندن اعتلاء الملک نامندہ ایکی ذات انتخاب ایدیلوب درسعادتہ التشرایر معاشلہ اعزام اولندیلر . بو ہیئت ایران سفیر کبری (احتشام السلطنہ میرزا محمود خان) حضرت تزلندن ریاستی تحتندہ باب عالی دہ کی عثمانلی قومیسسیونیلہ برلشوب مسئلہ نک حلیلہ تام اشتغال ایدہ جککری صیردہ روسیہ دوستمز (۱) همان حدودلرہ عسکرینی تحشید ایدیویردی .

ظہر اندن کلن ہیئتک الله وثیقہ اولمق اوزرہ برکاغد بارچہ سی ویرلیوب ، لازم کلن وثائق روسیہ سفارتنک تاتاریلہ استابولہ کوندرلمی ایرانک (حر قابینہ سنجہ) قرارلشدی . وثائق مذکورہ نک وصولندن صکرہ بو قومیسسیون حدود مسائلنی حل و فصل ایلہ اوغراشلہ حق و اختلاف نتیجہ سندہ (لاهی) حکم مجلسنہ تودیغنه چالیشیلہ جقدرد .

منصفانہ دوشونیلیرسہ بو مسئلہ نک ، عثمانلی - ایران حدودی تسمیہ سندن زیادہ عثمانلی - روس مسئلہ سی اطلاقہ سزاوار اولدیغنی اعتراف اتمک لازمکلیر .

ایرانک حق فرضا اثبات و تحقق ایتسہ بیلہ متنازع فیہا اولان اراضیدن ذاتاً استفادہ ایدہ میہ جکی آشکاردر . چونکہ اراضی مذکورہ نک روسیہ منطقہ نفوذی داخلندہ بولندیغندن ، بالطبع روسیہ دولتک دست قہار تغلبہ کچہ جک و فقط حکومت عثمانیہ نک محرومیتیلہ نتیجہ لہ جکدر . اراضی مذکورہ ایرانہ کچہ جک اولسہ یدی امینہ کہ حکومت عثمانیہ طرفندن هیچ براعتراض وقوع بولمہ جقدی ، بلکہ بالعکس اوستندہ کندی طوپرا . غذن برقضا ویا برلوا بیلہ ترک ایتمک موافقت ایدہ جکدی . کزک ایرانک عثمانلی یہ و کزک عثمانلینک ایرانہ کچہ جک اولان یکدیگرینک حقوقی اساساً قاردندن قاردہ شہ کچن فضلہ حقندن بشقہ برشی تشکیل ایتدیکی جہتلہ هیچ برطرفک اشمتزار و اغبرارینی ، وجب اولمزدی . فقط مع الناسف شمال جہتندن ہر ایکی طرفہ هجوم ایدوب بارچہ لامنی تصور ایدن آزعین بر . . . نک دندان حرص وانہما کنبہ بدبختانہ و جاہلانہ اہمال بلاسی نتیجہ سندہ نصیب اولہ حق اولان بو اراضی اسلامیہ یہ آتیا ایران دہ آغلا یہ حق ، عثمانلی دہ حیران اولہ جقدرد . بناء علیہ خلاصہ کلام اولہرق عثمانلی - ایران حدودی مسئلہ سی (نصرالدین خواجہ) نک یورغانندن بشقہ برشی دکادر ، بوتون کورولتی ، شمانہ آنک باشندہ دونیور . زفت اولسون ، زقوم اولسون دیمکدن غیری